



*Tsoom Kav Tswj ntawm  
Cov Neeg Ntseeg Siab*

*Michelle Rivas  
Tuam Thawj Coj*

*Michael Baker  
Lwm Thawj Coj*

*Basim Elkarra  
Tus Neeg Saib Xyuas  
Ntaub Ntawv*

*Bob Bastian  
Tus Neeg Hauv Pawg*

*Linda Fowler, J.D.  
Tus Neeg Hauv Pawg*

*Christine Jefferson  
Tus Neeg Hauv Pawg*

*Rebecca Sandoval  
Tus Neeg Hauv Pawg*

*Tuam Thawj Tswj  
Steve Martinez, Ed.D.*

*Txhawb txhua tus me  
nyuam kom muaj txoj kev  
ntshaw los ua tau yam zoo  
tshaj plaws txhua hnuv*

Lub Xya Hli Ntuj tim 15, 2020

Xa tuaj rau Cov Neeg Ua Haujlwm thiab Twin Rivers Tsevkawm lub Zej Zog,

Qhov pib ntawm ib lub xyoo tshiab tsev kawmntawv yeej ibtxwm yog ib lub sijhawm tshwjxeeb rau peb lub Twin Rivers tsevkawm lub zej zog. Tabsis, lub caij nplooj ntoos zeeg tuaj tom ntej no feem ntau yuav yog ib qho uas txawv tshaj li txhua niaj txhua zaus nyob hauv keebkwm ntawm peb lub koog tsev kawmntawv.

Tam li peb pom thiab hnov xovxwm tshiab txhua hnuv, tus mob COVID-19 txoj kev sib kis mus thoob ntiaj teb uas tsuas muaj hloov tas mus li tseem yog ib qho uas cuam tshuam thiab tagkaum thiab nrog rau txoj kev tsis paub meej hais tias nws yuav zoo licas tom ntej. Nyob rau lub caij ntawm no uas peb ua twb zoo soj qab taug tus xwmtxheej cov kev loj hlob thiab kev pauv thiab ua raws li cov kev tsimnyog yooq thiab kho, ib yam uas paub meej raws li qhia tuaj ntawm pejxeem txoj kev noj qab haus huv cov ntaubntawv tshaj tawm—tus mob coronavirus tseem tswj tsis tau tau uas txoj kev sib kis tseem nce toj siab tshaj ntxiv nyob thoob plaws hauv lub xeev, muaj nrog rau xws li lub cheeb nroog Sacramento County. Yog li no, peb yuav pib lub tsevkawm xyoo 2020-2021 nyob rau hauv ib thajchaw uas yog qhia ntawv thiab kawm ntawv nyob saum huab cua (online/virtual). Tagnrho cov chavkawm yuav muaj qhia nyob saum huab cua. Ntawm no yuav tsis muaj ib tug twg tuaj kawm nyob rau hauv chavkawm thaum tsevkawm pib qhib qhia ntawv nyob lub Yim Hli Ntuj tim 18, tam li yeej tau teem tseg ua ntej lawm. **Txoj kev nyabxees ntawm peb cov menyuam kawmntawv thiab cov neeg ua haujlwm yog peb thawj lub luag dejnum tseemceeb tshaj plaws.**

Txij li lub Peb Hlis Ntuj tim 13, thaum uas peb thawj zaug pib txais tau qhov lus qhia tuaj ntawm pejxeem kev noj qab haus huv cov neeg ua haujlwm tshajlij kom mus nkaum-nyob-hauv-chaw/nyob hauv tsev, uas nws cuam tshuam los mus rau ntawm txoj kev kaw peb cov tsevkawm thiab hloov mus qhia ntawv nyob hauv online, peb tau cog lus rau koj – tagnrho cov tibneeg ntawm peb lub tsevkawm lub zej zog – hais tias cov kev txiav txim hais txog seb peb cov tsev kawmntawv yuav rov qab qheb li cas – *yuav tsum yog* – raws li ntawm cov lus qhia tsom kwm thiab ua twb zoo xyuam xim nruj nruj qhia tuaj ntawm cov neej ua haujlwm tshajlij nyob fab kev txawj ntawm no, peb lub cheeb nrog county pejxeem kev noj qab haus huv cov coj thiab kev sib cog coj ua haujlwm nrog Sacramento County Office of Education (SCOE). Raws li ntawm cov lus qhia tshiab nyob lub sijhawm ntawm no qhia tuaj ntawm [SCOE and public health](#), txoj kev txiav txim los mus qheb qhia ntawv saum huab cua yeej yog nruaj khov li zeb tsua.

Peb txoj kev vam ces yog kom txoj kev uas cov menyuam kawmntawv rov qab tuaj kawm ntawv nyob hauv chavkawm yuav muaj tshwm sim nyob rau ib ntu twg hauv lub tsevkawm ntawm xyoo no, nrog rau cov lus qhia tsom kwm uas qhia tuaj ntawm lub xeev thiab lub zej zog lub chav saibxyuas pejxeem kev noj qab haus huv cov coj khiav dejnum. Tam li kuv twb tau piav qhia nyob rau kuv tsabntawv lus tshaj tawm hnuv Friday, lub Xya Hli Ntuj tim 10, peb twb tau npaj rau ib tug phiajxwm qhia ntawv rau ib xyoo kev kawm ntawv ntev loo uas yoojyim yooq thiab hloov tau raws li cov caijnyoog xwmtxheej uas tsimnyog. Los pab rau hom kev qhia ntawv rau tus phiajxwm tsav txoj kev kawm ntawv ntawm no, pawg Tsoom Kav Tswj twb tau pom zoo lub tswvyim [Fall Re-entry](#) rov qheb dua rau cov tub ntxhais kawmntawv nyob rau lub Rau Hli Ntuj tim 30. Nws yog ib lub tswvyim xam txhua yam uake uas yuav pub peb hloov tau yoojyim raws li qhov xav tau hloov mus rau tus qauv qhia ntawv twg los tau raws li qhov tsimnyog ntawm ib puag ncig thiab txoj kev hloov ntawm qhov xwmtxheej uas peb ntsib. Lub tswvyim kev npaj muaj xws li: ib tug qauv qhia ntawv tseem tseem saum huab cua, ib tug qauv uas muaj ob yam uake ntawm qhov tuaj kawm hauv chavkawm thiab kawm saum huab cua, thiab ib tug qauv uas qhia ntawv li txhia niaj txhia li yav tas los. Hais luv luv no ces, peb tab tom npaj rau lub xyoo. Hom kev kawm ntawv nruj deb uas peb tab tom npaj ntawm no nws txawv tshaj li ntawm tus phiajxwm khiav haujlwm uas peb tau xaus lub xyoo tsevkawm ntawm no. Nws muaj xws li ib tug txheej txheem qhia ntawv li txhua hnuv paws li ntawm sijhawm thiab thaum tus xibfwb tso tawm nws qhia ntawv nyob hauv online. Peb lees paub pom txog hais tias peb cov tub ntxhais kawmntawv, cov tsevneeg, thiab lub zej zog cov tibneeg xav tau ib thaj chaw kawm ntawv uas zoo tshaj plaws, muaj txheej txheem ua raws uas peb cov menyuam kawm thiab loj hlob tau zoo.

## Nplood 2

Peb yuav rau siab ua haujlwm kom dhau plaws lub caij ntuj sov los ua twb zoo xyuas kom meej hais tias peb cov phiajxwm kev qhia ntawv nyob hauv online yeej zoo thiab muaj txhij los rau peb cov menyuam kawmntawv, los pab xyuas kom meej hais tias lawv tseem niaj hnuv tau cov kev kawm ntawv uas zoo toj mus ntxiv. Peb pabpawg yuav ua haujlwm ze ze li no toj mus ntxiv nrog pejxeem kev noj qab haus huv cov coj thiab SCOE, kom peb thiaj li muaj kev npaj los mus nqes tes ua ib lub tswvyim rov qab pib tuaj kawm ntawv hauv chavkawm thaum uas peb muaj kev ntseeg siab txaus uas los mus nqes tes khiav cov tswvyim huvtibsi uas tsom kwm pejxeem kev noj qab haus huv.

Lub zwjceeb qhov xwmtxheej uas tau tsim los ntawm tus mob COVID-19 txoj kev sib kis mus thoob ntiajtee yeej yog peb lub neej tiag tiag. Txoj kev los daws qhov teebmeem ntawm no uas peb tau coj los siv, khiav haujlwm, nws yog peb txoj kev xaiv. Kuv yeem los mloog rau cov neeg txawj tshajlij nyob fab kev kho mob, saib txoj kev noj qab haus huv thiab txoj kev nyabxees ntawm peb lub zej zog tam li yog qhov tseemceeb xub thawj, thiab kuv tau muab txoj dejnum feemxyuam rau cov tibneeg tshajlij xws li cov xibfwb, cov coj, cov neeg ua haujlwm pab, thiab cov tub ntxhais kawmntawv kom lawv sawvdaws ua twb zoo yoog nrog peb txoj kev qheb qhia ntawv tshiaj ntawm no nrog txoj kev ua siab ntev thiab tus xeebceem coj zoo thiab tus.

Hauv Twin Rivers, peb cob qhia cov menyuam kawmntawv kom lawv tsis txhob nyoo swb, mus nrawm nroos pem hau ntej, muab lawv ob lub qhovmuag ntsia ntsoov rau qhov pajtshab, thiab tsis txhob cia cov xwmtxheej nyuaj tawm tsam, txiav lawv txoj kev mus cuag lawv lub homphiaj. Tam sim no, peb yuav tsum ua haujlwm uake los ua tus qauv rau peb cov menyuam kawmntawv. Peb yuav tsum ua haujlwm toj mus ntxiv hauv lub xyoo tsev kawmntawv ntawm no nrog ib tug xeebceem ua-tau, yuav-tsum-ua, yeebvim tus xeebceem ntawm no yog tus uas peb xav tau los txhawb dejsiab dejntsws rau txhua leej txhua tus tub ntxhais kawmntawv. Peb lub homphiaj tseem tsis tau hloov. Peb xav kom tagrho cov menyuam kawmntawv cuag tau lawv qhov peevxwm.

Nyob nruabnrab ntawm tam sim no thiab lub Yim Hli Ntuj tim 18, peb cov neeg ua haujlwm hauv kev kawmntawv yuav tig lawv txoj dejnum los mus ua twb zoo xyuas hais tias peb muaj kev npaj txhij txhua los ua lub homphiaj ntawm no nyob rau cov caijnyoog xwmtxheej tshwjxeeb zoo li no.

Ua tsaug rau koj txoj kev ua siab ntev thiab txoj kev nkagsiab tam li ntawm peb ua haujlwm uake los mus muab txoj kev qhia ntawv thiab ib thajchaw kawm ntawv uas zoo tshaj plaws los rau peb cov menyuam kawmntawv thiab cov neeg ua haujlwm nyob rau cov ntu sijhawm zoo li no uas peb tsis paub hais tias tom ntej yuav zoo lidas. Thov nco ntsoov hais tias yog ua raws li lub xeev thiab lub zej zog cov lus qhia ntawm kev noj qab haus huv—looj ntaub npog ntsejmuag, nyob sib nruag deb thiab ib sij ntxuav tes nrog xum npum thiab dej—peb sawvdaws yeej ua tau qhov ua yog peb li feemxyuam los pab txo txoj kev sib kis ntawm tus mob COVID-19.

Peb Yog TR Muaj Zog!

Saib rau lub samxees,



Steve Martinez Ed.D.  
Tuam Thawj Tswj